

PROMOSI EKSKLUSIF Hujung Minggu eDEPOSIT TETAP/eDEPOSIT TETAP-i ([English Version](#))

TEMPOH PROMOSI

"Promosi Eksklusif Hujung Minggu eDeposit Tetap/eDeposit Tetap-i" ("**Promosi**") Hong Leong Bank Berhad (193401000023 (97141-X)) ("**HLB**") dan Hong Leong Islamic Bank Berhad (200501009144 (686191-W)) ("**HLISB**") (secara kolektif dirujuk sebagai "**Bank**") bermula pada 27 Disember 2025 dan berakhir pada 28 Disember 2025, termasuk kedua-dua tarikh, atau apabila mencapai jumlah had saiz dana seperti yang dinyatakan dalam **Klausula 11** di bawah, mengikut mana-mana yang awal ("**Tempoh Promosi**"), melainkan diberitahu sebaliknya.

TERMA & SYARAT

Terma dan syarat berikut adalah terpakai untuk Promosi ("**T&S**"):

KELAYAKAN

1. Promosi ini terbuka kepada semua pelanggan yang baharu dan sedia ada yang merupakan pemegang Akaun Semasa atau Simpanan HLB/Akaun Semasa-i atau Simpanan-i HLISB ("**CASA/CASA-i**") yang memenuhi kriteria berikut ("**Pelanggan**") sebelum atau semasa Tempoh Promosi:
 - (a) mendaftar untuk Perbankan Dalam Talian HLB Connect dan/atau Aplikasi HLB Connect ("**HLB Connect**"); dan
 - (b) membuka Akaun Deposit Tetap/Deposit Tetap-i dalam talian ("**Akaun eFD/eFD-i**") atau Akaun Bersama Deposit Tetap/Deposit Tetap-i dalam talian ("**Akaun Bersama eFD/eFD-i**") melalui HLB Connect.
2. Pelanggan yang telah melakukan atau disyaki melakukan penipuan, kesalahan undang-undang berkaitan dengan mana-mana kemudahan yang diberi oleh pihak Bank atau telah diisytiharkan muflis atau bakal dikenakan prosiding kemuflihan pada bila-bila masa sebelum atau semasa Tempoh Promosi atau telah mengingkari mana-mana terma dan syarat yang terkandung di dalam T&S ini, Terma dan Syarat Am Akaun, Terma dan Syarat Penggunaan HLB Connect, terma dan syarat yang berkenaan dengan CASA/CASA-i dan Akaun eFD/eFD-i Hong Leong **TIDAK** layak menyertai atau akan serta-merta dilucutkan kelayakannya daripada menyertai Promosi.
3. Pelanggan yang telah melakukan, atau ditentukan oleh pihak Bank berpotensi melakukan sebarang kesalahan yang dinyatakan di dalam ini akan dilucutkan kelayakannya daripada menyertai Promosi.
4. Promosi ini **TIDAK** sah dengan promosi-promosi lain yang ditawarkan oleh pihak Bank dari semasa ke semasa.

KAEDAH PROMOSI

5. Pelanggan yang memenuhi kriteria kelayakan di atas dan yang membuat peletakan eDeposit Tetap/eDeposit Tetap-i ("**eFD/eFD-i**") atau eDeposit Tetap/eDeposit Tetap-i Bersama ("**eFD/eFD-i Bersama**") ke dalam akaun Akaun eFD/eFD-i atau Akaun Bersama eFD/eFD-i melalui HLB Connect bagi amaun tidak kurang daripada Amaun Peletakan

Minimum dan tidak melebihi Amaun Peletakan Maksimum ("**Amaun Peletakan eFD/eFD-i**") untuk Tempoh yang ditetapkan seperti yang dinyatakan dalam Jadual 1 di bawah semasa Tempoh Promosi adalah berhak untuk menikmati Kadar Promosi eFD/eFD-i yang tertera dalam Jadual 1 di bawah:

Jadual 1

Tempoh Efektif	Tempoh	Kadar Promosi ¹	Amaun Peletakan Minimum	Amaun Peletakan Maksimum
27 – 28 Disember 2025	12 bulan	3.60% setahun	RM1,000	Tertakluk pada had pindahan yang ditetapkan oleh bank berkenaan

¹ Kadar Promosi mungkin disemak semula sekiranya terdapat perubahan Kadar Dasar Semalaman (OPR) atau mengikut budi bicara pihak Bank dengan memberikan notis terlebih dahulu.

6. Pelanggan yang telah memenuhi kriteria dalam Klausa 5 di atas dirujuk sebagai "**Pelanggan Layak**".
7. Bagi tujuan Promosi ini, semua peletakan eFD/eFD-i atau eFD/eFD-i Bersama mestilah daripada bank lain (iaitu dana baharu) dan dipindahkan melalui Financial Process Exchanges ("**FPX**"). Amaun deposit maksimum setiap transaksi tertakluk pada amaun maksimum/had pindahan yang ditetapkan dalam perbankan internet individu Pelanggan Layak yang diselenggarakan dengan bank berkenaan.
8. Proses peletakan eFD/eFD-i atau eFD/eFD-i Bersama mungkin mengambil masa sehingga dua (2) hari bekerja dan tarikh efektif peletakan eFD/eFD-i atau eFD/eFD-i Bersama adalah pada tarikh pihak Bank berjaya menyempurnakan proses peletakan. Pihak Bank tidak akan bertanggungjawab atas sebarang kelewatan atau sebarang kerugian yang mungkin ditanggung oleh Pelanggan Layak kerana masa yang diperlukan untuk memproses peletakan tersebut.
9. Peletakan eFD/eFD-i atau eFD/eFD-i Bersama hanya boleh dibuat menerusi HLB Connect antara 06:00 pagi hingga 00:00 tengah malam semasa Tempoh Promosi, dan atas dasar siapa cepat dia dapat. Untuk mengelakkan keraguan, peletakan eFD/eFD-i atau eFD/eFD-i Bersama mesti dihantar selewat-lewatnya pada pukul 00:00 tengah malam pada hari terakhir Tempoh Promosi agar peletakan diterima untuk Promosi ini.
10. Pada tarikh matang, Amaun pokok Peletakan eFD/eFD-i akan diperbaharui secara automatik pada kadar semasa eFD/eFD-i masing-masing atau dikeluarkan secara automatik dan dikreditkan ke dalam CASA/CASA-i Diperuntukkan (seperti yang ditakrifkan di bawah Klausa 14), berdasarkan pilihan yang dibuat oleh Pelanggan Layak semasa peletakan.
11. Had saiz dana agregat untuk Akaun eFD/eFD-i atau eFD/eFD-i Bersama Sertaan di bawah Promosi ini adalah seperti yang diperuntukkan dalam Jadual 2 di bawah ("**Had Saiz Dana**");

Jadual 2

Tempoh	Had Saiz Dana
12 bulan	RM50 juta

12. Jika Had Saiz Dana telah dicapai, Amaun Peletakan yang melebihi Had Saiz Dana akan tertakluk pada kadar semasa eFD/eFD-i mengikut budi bicara pihak Bank.
13. Pihak Bank berhak untuk mengubah Tempoh Promosi, Kadar Promosi eFD/eFD-i dan/atau kriteria/kelayakan-untuk Promosi dengan memberi notis awal dengan memaparkan T&S yang telah diubah di laman web Bank di www.hlb.com.my dan www.hlisb.com.my ("**Laman Web Bank**") atau mana-mana cara lain yang pihak Bank dapati wajar dan perubahan tersebut akan berkuat kuasa daripada tarikh efektif yang dinyatakan di dalam notis tersebut. Sebarang perubahan adalah tidak terpakai untuk peletakan eFD/eFD-i yang dibuat sebelum tarikh perubahan tersebut dikuatkuasakan.
14. Pelanggan Layak dikehendaki memberi CASA/CASA-i yang diselenggarakan dengan pihak Bank di bawah nama Pelanggan Layak ("**CASA/CASA-i Diperuntukkan**") bagi tujuan mengkreditkan faedah/keuntungan yang diperolehi di bawah Promosi ini. Untuk eFD/eFD-i, CASA/CASA-i Diperuntukkan mesti di atas nama sama Pelanggan Layak dan untuk eFD/eFD-i Bersama, CASA/CASA-i Diperuntukkan mesti di atas nama sama kedua-dua Pelanggan Layak dan mandat pengendalian yang sama dengan Akaun Bersama eFD/eFD-i. Faedah/keuntungan yang diperolehi akan dikreditkan ke dalam CASA/CASA-i Diperuntukkan Pelanggan Layak pada tarikh matang.
15. Jika Amaun Peletakan eFD/eFD-i atau eFD/eFD-i Bersama dikeluarkan sebelum tempoh matang, sama ada secara keseluruhan atau sebahagian, tiada faedah/keuntungan akan dibayar bagi amaun pengeluaran pramatang eFD/eFD-i atau eFD/eFD-i Bersama tanpa mengira bilangan bulan yang telah lengkap pada masa pengeluaran pramatang. Bagi mengelakkan sebarang keraguan, faedah/keuntungan akan dikira atas baki Amaun Pokok setelah pengeluaran dibuat.
16. Pihak Bank berhak untuk menolak dan mendebit amaun setara dengan faedah/keuntungan yang dibayar kepada Pelanggan Layak bagi eFD/eFD-i atau eFD/eFD-i Bersama yang dikeluarkan sebelum tarikh matang daripada Amaun Pokok Akaun eFD/eFD-i atau eFD/eFD-i Bersama.
17. Pelanggan Layak dengan produk eFD-i atau eFD-i Bersama akan dianggap telah bersetuju melepaskan hak untuk menuntut harga jualan penuh bagi sebarang pengeluaran eFD-i atau eFD-i Bersama sebelum tarikh matang.
18. Tertakluk pada Klausula 15 T&S Promosi ini, pengeluaran sebahagian eFD atau eFD-i Bersama dibenarkan dalam gandaan **Ringgit Malaysia Satu Ribu (RM1,000)** sahaja. Walau bagaimanapun, jika baki eFD atau eFD-i Bersama kurang daripada **Ringgit Malaysia Lima Ribu (RM5,000)**, pengeluaran sebahagian tidak dibenarkan bagi akaun tersebut dan sebarang pengeluaran akan dianggap sebagai pengeluaran pramatang dari keseluruhan Amaun Peletakan eFD atau eFD-i Bersama mengikut Klausula 15.

19. Tertakluk pada Klausa 15 T&S Promosi ini, pengeluaran sebahagian Amaun Peletakan eFD-i atau eFD-i Bersama dibenarkan dengan gandaan **Ringgit Malaysia Satu Ribu (RM1,000)** sahaja. Walau bagaimanapun, jika baki dalam eFD-i atau eFD-i Bersama kurang daripada **Ringgit Malaysia Tiga Ribu (RM3,000)**, pengeluaran sebahagian tidak dibenarkan bagi akaun tersebut dan sebarang pengeluaran akan dianggap sebagai pengeluaran pramatang dari keseluruhan Amaun Peletakan eFD-i atau eFD-i Bersama mengikut Klausa 15.
20. Amaun Peletakan eFD/eFD-i atau eFD/eFD-i Bersama **TIDAK** boleh digunakan sebagai cagaran untuk tujuan menjamin apa-apa kemudahan kredit yang diperolehi atau akan diperolehi oleh Pelanggan Layak kecuali Amaun Peletakan eFD boleh digunakan sebagai cagaran untuk menjamin Kad Kredit yang dikeluarkan oleh HLB. Sila rujuk [Terma & Syarat Kad Kredit Yang Dijamin dengan Deposit Tetap](#) untuk maklumat lanjut.

UMUM

21. Dengan menyertai Promosi ini, Pelanggan Layak bersetuju:
- (i) telah membaca, memahami dan bersetuju untuk mematuhi T&S di sini, Terma dan Syarat Am Akaun, Terma dan Syarat Penggunaan HLB Connect dan Terma dan Syarat berkaitan dengan Akaun eFD/eFD-i ("**Terma dan Syarat Berkenaan**");
 - (ii) bahawa semua rekod pemenuhan syarat kelayakan yang direkod oleh sistem pihak Bank dalam Tempoh Promosi adalah muktamad;
 - (iii) bahawa keputusan pihak Bank atas semua hal berkaitan dengan Promosi ini adalah muktamad, konklusif dan terikat ke atas semua Pelanggan Layak;
 - (iv) untuk mengakses Laman Web Bank dengan kerap untuk menyemak T&S Promosi dan memastikan sentiasa mengikuti apa-apa perubahan atau pindaan yang dibuat kepada T&S;
 - (v) faedah/keuntungan yang diperolehi tidak boleh dipindah milik kepada mana-mana pihak ketiga (ke-3) dan tidak boleh ditukar untuk kredit, cek atau manfaat seumpamanya; dan
 - (vi) bertanggungjawab dan menanggung sendiri semua cukai berkenaan, fi kerajaan atau apa-apa caj lain yang mungkin dikenakan terhadap mereka di bawah undang-undang berkenaan, jika ada, berkaitan dengan penyertaan dalam Promosi ini.
22. Pihak Bank berhak:
- (i) dengan memberi notis awal kepada Pelanggan Layak, untuk menambah, menggugurkan, menggantung atau meminda keseluruhan atau sebahagian T&S yang terkandung di dalam ini atau menamatkan Promosi ini dengan cara paparan dalam Laman Web Bank, atau dengan apa-apa cara yang dianggap sesuai oleh pihak Bank;
 - (ii) untuk membatalkan faedah/keuntungan yang diperolehi sekiranya Pelanggan Layak tidak mematuhi Terma dan Syarat Berkenaan; dan
 - (iii) untuk menarik semula dana jika terdapat sebarang penipuan atau pelanggaran T&S Promosi dikesan.
23. Tambahan kepada T&S di dalam ini, Pelanggan Layak bersetuju bahawa Terma dan Syarat Berkenaan hendaklah dibaca dengan T&S ini sebagai suatu perjanjian keseluruhan. Sekiranya terdapat sebarang percanggahan, T&S di dalam ini hendaklah diutamakan setakat percanggahan tersebut.

24. Jika terdapat percanggahan antara T&S dengan bahan pengiklanan, promosi, publisiti dan bahan-bahan lain berkaitan atau berhubung dengan Promosi ini, maka T&S dalam Laman Web Bank akan diguna pakai.
25. T&S ini tertakluk pada dan ditafsirkan selaras dengan undang-undang Malaysia dan Pelanggan Layak bersetuju untuk akur kepada bidang kuasa Mahkamah-mahkamah Malaysia secara eksklusif.
26. Perkataan yang menandakan satu jantina termasuk semua jantina lain dan perkataan yang menandakan tunggal termasuk jamak dan begitu juga sebaliknya.

Ahli PIDM. Akaun eDeposit Tetap/eDeposit Tetap-i, Akaun Bersama eDeposit Tetap/eDeposit Tetap-i dan Akaun Semasa/Simpanan atau Akaun Semasa/Simpanan-i dilindungi oleh PIDM setakat RM250,000 bagi setiap pendeposit (rujuk [Produk Layak untuk Perlindungan PIDM](#)).

eDeposit Tetap-i, eDeposit Tetap-i Bersama dan Akaun Semasa/Simpanan-i adalah berdasarkan kontrak Syariah Tawarruq.

Sekiranya anda mempunyai sebarang pertanyaan mengenai terma dan syarat, sila e-mel kami di hlonline@hlbb.hongleong.com.my.